

պատահել է գիշերով: Աւելի քան հարիւր հոգի-ծերունիներ, երեխաներ, փախչելու կարողութիւն չունեցող մարդիկ, – այրուել են կրակի մէջ: Այս, թէեւ խիստ տխուր, լուրը ինձ ուրախութիւն պատճառեց: Հայոց-ծորը գոնեայ այժմ կը զգայ իր սխալը... Նա երկար չէր ուզում մասնակից լինել ընդհանուր գործին... Բժշկութեան մասին մտածում են այն ժամանակ, երբ հիւանդն ընկած է»...

Վերջին տողերը կարդալու ժամանակ ես սարսափեցայ: Կարօի խստասրտութիւնն անցնում էր չափից: Աւելի քան հարիւր ծերեր, երեխաներ այրուում են հրդեհի բոցերի մէջ, նա ուրախանում է, որովհետեւ այս դեպքից կարող էր նա օգուտ քաղել իր դիւական նպատակների համար, իսկ նպատակը՝, – դեռ ինձ յայտնի չէր:

«Մուշի եւ Բաղէշի կողմերից ոչինչ լուր չկայ: Դատոանի ռայիսը (տախուստերը) գրում է՝ այստեղ ամէն ինչ պատրաստ է: Շատախում նոր վրդովմունք է ծագել ժողովրդի մէջ: Հոգոց վանքի վարդապետը չէ դադարում իր վաղեմի նենգութիւններից: Ի՞նչ պետք է անել այդ Վասակի հետ. ուղարկեցէք այնտեղ Մըհէին, իմ կարծիքով նրա գործն է հանգստացնել սեւագլուխ սատանային»...

Մըհէն, ծերունի որսորդի գնացած գիշերի միւս առաւօտը, էլ չերեւաց: Քանի օրից յետոյ մենք լսեցինք հոգոց վանքի վարդապետին իր խուցի մէջ սպանել են: Երկու օր չանցած, այս լուրը մեզ հասնելէն, կրկին յայտնեցաւ Մըհէն:

«Ասլանին ուղարկեցի Բաղէշի եւ Մուշի կողմերը այնտեղի դրութիւնը իմանալու համար: Սագօս կ'անցնի Խնուսից դեպի Արզրում, Բայազետ եւ կը վերադառնայ Խոյի ճանապարհով: Չալլաղը եւ Մուրաղը գնացին Մոզաց եւ Սասնոյ կողմերը: Իւրաքանչիւրի համար նշանակուել է մի ամիս ժամանակ, իրանց ճանապարհորդութիւնը, հետագօտութիւնները եւ կարգադրութիւնները վերջացնելու համար: Ամէն մէկին ես տոել եմ հարկաւոր հրահանգները: Այսօր յուլիսի քսանն է, կ'նշանակէ, մինչեւ օգոստոսի քսանը բոլորը կրկին կը հաւաքեն Բարդուղիմէոս առաքելոյ վանքումը, իրանց գործունեութեան համարը տալու է:

Չալլաղը եւ Մուրաղը այն երկու քրդստանցի տղամարդիկն էին, որոնց ես առաջին անգամ տեսայ արաբական միներեթում: Դրանք այն օրից անյայտացած էին, իսկ այժմ երեւում էր, որ դարձեալ խառն էին Կարօյի գործերի մէջ: